

隸

釋

六



隸釋卷第十九

魏大饗碑

魏公卿上尊號奏

魏受禪表

魏脩孔子廟碑

魏橫海將軍呂君碑

范式碑

張平子碑

附

魏大饗碑

惟延康元年八月旬有八日辛未魏王龍興踐祚規恢鴻業精亮皇基萬邦統世忿吳夷之凶暴滅蜀虜之僭逆于赫斯怒順天致罰舊墟席之校簡猛銳之

卒爰整六軍、率凶怒、暨單于烏桓、鮮卑、引弓之類、持
戟百萬、控弦千隊、玄甲曜野、華旗蔽日、天動雷震、星
流電發、戎備素辦、役不更籍、農夫安疇、商不變肆、是
以士有拊譟之驩、民懷惠康之德、皇恩所漸、無遠不
至、武師所加、無強不服、故寬令西飛、則蜀將東馳、六
旆南徂、則吳黨委質、二虜震驚、魚爛階潰、將汜自三
江之流、方軌邛來之阪、斬吳夷以染鉞、西蜀虜以黷
鼓、曜天威於遐裔、復九圻之疆、寓除生民之災孽、去
聖皇之宿憤、次于舊邑、觀釁而動、築壇壝之宮、置表

兵
兵

著之位大饗六軍爰及譙縣父老男女臨饗之日陳
兵清涂慶雲垂覆乃備俾衛整法駕設天宮之列衛
棗金華之鸞路達升龍於大常張天狼之威弧千乘
風舉萬騎龍驤威靈之飾震曜康衢旣登高壇陰九
增之華蓋處沅蘇之幄坐陳旅酬之高會行無莛之
酣飲旨酒波流肴烝陵積齎師設縣金奏讚樂六變
旣畢乃陳秘戲巴俞丸劔竒舞麗倒衝夾踰鋒上南
躡高舩鼎綠幢舞輪槌鏡騁狗逐兔戲馬立騎之妙
技白虎青康辟非辟耶魚龍靈龜國鎮之恠獸瓌變

國鎮

舩

復蒐

屈出異巧神化自卿校將守以下下及陪臺繇園莫不歆淫宴喜咸懷醉飽雖夏啓均臺之饗周成岐陽之復高祖邑中之會光武舊里之宴何以尚茲是以刊石立銘光示來葉其辭曰、

赫王師征南裔舊靈威震天外吳夷龍言蜀虜鼠區夏清八荒艾幸舊邕設高會皇德洽洪恩邁刊金石光萬世

右大饗之碑篆額在亳州譙縣魏文帝延康元年立相傳爲梁鵠書碑字有不明者唐大中年高宗

李暨再刻故有文可讀漢獻帝建安二十五年正月魏王曹操死其子丕嗣位改元延康魏志云丕以七月甲午軍次于譙大饗六軍是時漢鼎猶未移也不爲人臣而自用正朔刻之金石可謂無君之罪人也武王載西伯神主於軍中者弔民伐罪之師也不以姦賊之心欲吞吳翦蜀遂攘神器爾操之肉未寒而置酒高會酣飲無筭金奏間作祕戲畢陳誇辭諛語無所忌憚可謂無父之罪人也士大夫積藏其碑者特以字畫之故爾碑云八月

至譙而史作七月亦不必多辨也

碑以俾禦為蹕
禦九增為九層

均臺為
釣臺狻為蒐

魏公卿上尊號奏

相國安樂鄉侯臣歆大尉都亭侯臣詡御史大夫安

陵亭侯臣朗使持節行都督督軍車騎將軍闕二臣

仁輔國將軍清苑鄉侯臣若虜牙將軍南昌亭侯臣

輔輕車將軍都亭侯臣忠冠軍將軍好時鄉侯臣秋

渡遼將軍都亭侯臣采肅將軍國明亭侯臣洪使持

節行都督督軍鎮西將軍東鄉侯臣真使持節行都

督督軍領揚州刺史征東將軍安陽鄉侯臣休使持
節行都督督軍征南將軍平陵亭侯臣尚使持節行
都督督軍徐州刺史鎮東將軍武安鄉侯臣霸使持
節左將軍中鄉侯臣劼使持節右將軍建鄉侯臣晃
使持節前將軍都鄉侯臣邈使持節後將軍華鄉侯
臣靈匈奴南單于臣京奉常臣貞郎中令臣洽衛尉
安國亭侯臣昱大僕臣勳大理東武亭侯臣繇大農
臣霸少府臣林督軍御史將作大匠千秋亭侯臣照
中領軍中陽鄉侯臣楸中護軍臣陟毛騎校尉都亭

侯臣祖長水校尉關內侯臣凌步騭校尉關內侯臣

福射聲校尉關內侯臣質振威將軍涅鄉亭侯臣題

征虜將軍都亭侯臣觸振武將軍尉猛亭侯臣當忠

義將軍樂鄉亭侯臣生建節將軍平樂亭侯臣圃安

衆將軍元就亭侯臣神翼衛將軍都亭侯臣澗討夷

將軍成遷亭侯臣慎懷遠將軍關內侯臣翼綏邊將

軍常樂亭侯臣俊安夷將軍高梁亭侯臣曷舊武將

軍長安亭侯臣豐武帝將軍安昌亭侯臣禎等稽首

言臣等前上言漢帝奉天命以固禪羣臣因天命以

固請而陛下違天命以固辭臣等頑愚猶知其不可
况神祇之心乎宜蒙納許以福海內欣戴之望而丁
卯制書詔臣等曰闕五字魏志云以德則孤不足以時則虜未滅
若以羣賢之靈得保首領終君魏國於孤足矣若孤
者胡足以辱四海至于天瑞人事皆

先王聖德遺慶孤何有焉是以未敢聞命臣等伏讀

詔書於邑益甚臣等聞易稱聖人奉天時而論曰君

子畏天命闕五字魏志云天命有去就然後帝者有禪代是以唐

之禪虞命以在爾虞之順唐謂之受終堯知天命去

已故不得不禪，辨知歷數在躬，故不

闕五字魏志云不敢不受不得

不禪奉天時也，不取不受畏天命也。漢朝雖承季末

陵遲之餘，猶務奉天命以則堯道，是以願禪帝位而

歸二女。

陛下正於大魏受命之初，抑虞夏之達節，尚延陵之

讓體，所枉者大，所直者小，所詳者輕，所略者重。中人

凡士

闕二字魏志云猶為

陛下陋之，歿者有靈，則重華必忿憤於倉梧之神墓，

大夏必鬱悒於會稽之山陰。

武王必不悅於

高陵之玄宮矣。是以臣等敢以死請。且漢政在奄官。

祿去帝室七世矣。遂集夫石于其宮殿。而二京爲之

公虛。

闕七字。魏志云。當是之時。四海蕩。

覆天下分崩崩。

武王親衣甲而冠冑。沐雨而櫛風。爲民請命。則活萬

國。爲世撥亂。則致升平。鳩民而立長。築官而置吏。元

闕四字。魏志於闕五字。魏志云。云元無過罔。於前業而始有。

造於華裔。

陛下即位。光昭文德。以翊武功。勤恤民隱。視之如傷。

懼者寧之。勞者休之。寒者以煖。飢者以充。遠人以德。

服魏志云

殺敵以

闕三字魏志云恩降邁

恩種德光被四表稽

古薦睦茂于放勳岡漏吞息裕于周文是以布政未

暮人神並和皇天則降甘露而臻四靈

闕三字魏志云后土則

挺芝

闕二字魏志云草而

吐醴泉虜豹鹿苑咸素其色雉鳩燕

爵亦白其羽連理之木同心之瓜五采之魚珍祥瑞

物雜選於其間者無不畢備

闕一字魏志云古

人有言

闕

字魏志云禹

吾其魚乎徹大魏則臣等之白骨既交橫于

曠野矣伏省羣臣內外前後章奏所以陳叙

陛下之符命者莫不條河洛之圖書授天地之瑞應

郡矣

志注

自

下

因漢朝之款誠宣萬方之景附可謂信矣闕矣

裕矣高矣郡矣闕二字魏志二云三王無以及五帝無以加民命

之懸於魏邦民心之繫於魏政世有餘年矣闕一字魏志二云

此乃千世時至之會萬載壹遇之秋達節廣闕三字魏志二云

昭度宜於闕三字魏志云斯際拘變狹闕一字魏志此一不施於

此時久稽天命罪在臣等輒營壇場具禮儀擇吉闕

字魏志昭告昊天上帝秩羣神之禮湏禋祭畢闕三字魏志

志云會于朝闕一字魏志議季號正朔服色當所以施

行臣謹拜表朝堂臣歆臣詡臣朗臣仁臣若臣輔臣

忠臣秋臣采臣洪臣真臣休臣尚臣霸臣邵臣晃臣

遼臣靈臣泉臣貞臣洽臣昱臣曼臣繇臣霸臣林臣

照臣楸臣陟臣祖臣凌臣福臣質臣題臣觸臣當臣

僉曰

陛下聖德懿侔兩儀皇符照晰受命咸宜且有熊之

興地出大螻夏后承統木榮冬敷殷湯革命白狼銜

鉤周武觀字關五方之今日未足以喻而猶以一至之

慶寵神當時紹天即祚負宸而治况於大魏靈瑞若

兹者乎蓋天命不可以辭字關五以意距大統不可以

父曠萬國不可以無主宜順民神速承天序於是

皇帝乃回思遷慮扇觀庶徵上在璿機萃之周易卜

以守龜龜茲臚吉五反靡違乃覽公卿之議順皇天

之命練吉日闕四字唐典之明憲遵大鹿之遺訓遂於

繁昌築靈壇設壇宮時圭璧儲犧牲延公侯卿士常

伯常任納言諸節出牧邦君席闕四字匈奴南單于東

夷南蠻西戎北狄王侯君長之羣入自旗門咸旅于

位

皇帝乃受天子之籍冠通天龍袞龍穆穆皇皇物有

其容上公策祝燔燹械樸告類上帝望秩五岳烟于

六宗徧于羣神字關三晏祥風來臻乃詔有司大赦天

下改元正始開皇綱闡帝載殊徽幟革噐械脩廢官

班瑞節同律量衡更姓改物勒崇垂鴻創關作則永

保天祿傳之罔極

先皇龍興饗國撫柔蒸民化以醇德崇在寬之政邁

愷悌之教宣重光以照下擬陽春以播惠開禁倉散

滯積家臣字關五之錫眾地陪臺蒙調餼之養興遺勲

繼絕世廢忘之勞獲金爵之賞襁褓之孤食舊德之

改元正始謂改

元以正其始也此改

力正始之年也此改

自有正始年也

前大智碑曰延

康元年此改元也

黃初

祿善無敵而不旌功無細

闕五字

戎士哀矜庶獄罷戍

役焚丹書圖圖處靜外無曠夫玄澤雲行罔不沾渥

若夫覆載簡易剏采允宜乾允之德陰陽

闕六字

類育

物奮庸造化之道四時之功也寬容淵嘿恩洽羣勑

皇戲之質堯舜之姿也孜孜業業邁德濟民伯禹之

勞

闕五字

叡智神武料敵用兵殷湯之略周發之明也

廣大配天地茂德苞衆聖鴻恩洽於區夏仁聲播於

八荒雖象旨所

闕六字

和而來王是以休徵屢集和氣

烟煜上降乾祉下發玃珍天關啓闡四靈具臻涌醴

橫流山見黃人所以顯受命之闕五字之期運也其餘

甘露零於豐草野蠶繭於茂樹嘉禾神芝奇禽靈獸

窮祥極瑞者朞月之間蓋七百餘見自金天以闕五字

嘉祥之降未有若今之盛者也是以漢氏覩歷數之

去已知神器之有歸稽唐禪虞紹天明命釐嬪二女

欽授天位

皇帝謙退讓德不嗣至于再至于三於是羣公卿士

生臣圃臣神臣衢臣慎臣巽臣俊臣曷臣豐臣楮誠

惶誠懼頓首頓首死罪死罪

據前金田

右公卿將軍上尊號奏象額在潁昌相傳爲鍾繇書其中有大理東武亭侯臣繇者乃其人也曹氏父子睥睨漢祚非一朝名勢極事就乃欲追大麓之蹤竊箕山之節後世果可欺乎又自比媯汭納漢二女豐碑至今不磨所以播其惡於無窮也當時內外前後勸進之辭不一此蓋刻其最後一章魏志注中亦載此文有數字不同非史臣筆削之辭也皆當以碑爲正碑自造于華裔之後石理皴剥字跡曖昧今世所傳者多是前一段爾

同人年以初初

觀碑作又以此是

說所作書之說

針心分高皆錄

魏受禪表

維黃初元年冬十月辛未

皇帝受禪于漢氏上稽儀極下考前訓書摯所錄帝

王遺事義莫顯於禪德美莫盛於受終故書陳納于

大康傳稱歷數闕二是以降世且二百平幾三千堯

舜之事復存于今允皇代之上儀帝者之高致也故

立斯表以昭德闕義焉

皇帝體乾剛之懿姿紹有虞之黃裔九德既諒欽明

文塞齊光日月林蕪三極及嗣位

右魏受禪表篆額在潁昌亦曰鍾繇書所謂表者
蓋表揭其事非表奏之表也碑云黃初元年十月
辛未受禪于漢漢紀作乙卯魏志作十一月庚午
裴松之注所載甚詳蓋是月十三日乙卯漢帝使
張音奉璽綬詔冊禪位于魏魏王辭者三及漢冊
四至乃以二十九日辛未升壇受命碑之所載是
也水經云繁昌城內有三臺人謂之繁昌臺壇前
有二碑其後六字生金論者以爲司馬金行故曹
氏六世遷魏而事晉此蓋附會符命之談也

碑以
挈爲

契以烟媪為組緼以烟于六宗為禋于六宗

魏脩孔子廟碑

維黃初元年大魏受命胤軒轅之高縱紹虞氏之遐
 統應歷數以改物揚仁風以作教於是捐五瑞斑宗
 彝鈞衡石同度量秩羣祀於無文順天時以布化既
 乃緝熙聖緒昭顯上世追存二代三恪之禮兼紹宣
 尼褒成之後以魯縣百戶命孔子廿一世孫議郎孔
 羨為宗聖侯以奉孔子之祀

制詔三公曰昔仲尼姿大聖之姿懷帝王之器當衰

周闕二字魏志作之末而無受命之運闕生乎魯衛之朝教化

乎汶泗之上栖栖焉皇皇焉欲屈已以存道貶身以

救世當闕三字魏志作時三公終莫能用乃追考五代之禮脩

素王之事因魯史而制春秋就大師而正雅頌俾千

載之後莫不采其文以述作邛其聖以成謀咨可謂

命世大聖億載之師表者已遭天下大亂百祀隆壞

舊居之廟毀而不脩衰成之後絕而莫繼闕里不聞

講誦之聲四時不睹丞嘗之位斯豈所謂崇化報功

盛德百世必祀者哉嗟乎朕甚閔焉其以議郎孔美

為宗聖侯邑百戶奉孔子之祀令魯郡脩起舊廟置
百石吏卒以守衛之又於其外廣為屋宇以居學者
於是魯之父老諸生游士睹廟堂之始復觀俎豆之
初設嘉聖靈於髡髻想禎祥之來集乃慨然而歎曰
大道衰廢禮學滅絕世餘年

皇上懷仁聖之懿德兼二儀之化育廣大苞於無方
關恩淪於不測故自受命以來天人咸和神氣烜溫
嘉瑞踵武休徵屢臻殊俗解編髮而慕義遐夷越險
阻而來賓雖大皓遊龍以君世虞氏儀鳳以臨民伯

禹命玄宮而爲夏后西伯由岐社而爲周文尚何足
稱於大魏哉若乃紹繼徽絕興脩廢官疇咨稽古崇
配乾以允神明之所福祐宇內之所歡欣也豈徒魯
邦而已哉爾乃感段人路寤之義嘉先民泮宮之事
以爲高宗僖公蓋嗣世之王諸侯之國耳猶著德於
名頌騰聲乎千載況今

聖皇肇造區夏創業垂統受命之日曾未下輿而袞
崇大聖隆化如此能無頌乎乃作頌曰

煌煌大魏受命溥將并體黃虞舍夏苞商降釐下土

上清二光羣祀咸秩靡事不綱嘉彼玄聖有邈其靈
遭世霧亂莫顯其榮褒成既絕寤廟斯傾闕里蕭條
靡歆靡馨我皇悼之尋其卅武乃建宗聖以紹厥後
脩復舊堂豐其薨宇莘莘學徒爰居爰處王教既備
羣小遄沮魯道以興永作憲矩洪聲登假神祇來和
休徵維逕瑞我邦家內光區域外被荒遐殊方重譯
搏拊揚歌於赫四聖運世應期仲尼既沒文亦在茲
彬彬我后越而五之並千億載如山之基

右魯孔子廟之碑篆額嘉祐中郡守張稚圭按圖

經題曰魏陳思王曹植詞梁鵠書魏志黃初二年
正月詔以議郎孔羨爲宗聖侯奉孔子祀令魯郡
脩起舊廟置吏卒守衛碑云元年而史作二年誤
也後漢孔僖傳注以羨爲宗聖侯亦誤也文帝履
位之初首能尊崇先聖刊寫琬琰知所本矣使其
味素王之言行六經之道則豈止鼎峙之業而已
哉魏隸可珍者四碑此爲之冠甚有石經論語筆
法大饗碑蓋不相遠若繁昌兩碑則自是一家亦
有以爲鵠書者非也

碑以烟煨爲網縕終
軍傳辮髮作編髮

魏橫海將軍呂君碑

君諱闕六博望人也其先四獄出自炎帝闕八內輔

機衡外司方職是呂闕族繁毓申呂竝興君其曾也

君天姿梟毅仍闕於武武而不害當值季末漢失其

御羣雄爭逸海內闕隔王塗穢塞君呂中勇顯名州

司試守雉長執戈秉戎慎守曷易兵不頓於敵國墜

不侵於四鄰拜武猛都尉厲節中郎將裨將軍封關

內侯王師南征與充軍從奄有江漢舍爵冊勲封陰

德亭侯領郡鳩集荒散為民統紀三考有成轉拜平

狄將軍改封盧亭侯莅國賦政十有三季正身帥下
儉呂足用食不感膳坐不重席廢無食粟之馬出無
副車之後生不利家死不託孤可謂良大夫也雖叔
敖相楚晏嬰在齊不能尚也行師御衆暑郢不蓋寒
郢不裘其於戰也郢履矢石之所及鋒刃之所先雖
古良將不能踰也會水賊關羽猖獗爲寇蕩搖邊鄙
虔劉民人而洪水播溢泥浸樊城平源十刃外瀆潛
通猛將驍騎載沈載浮於是不逞作慝羣歿鼎沸或
保城而叛或率衆負旌自郢敵門中人呂下竝生異

心君威懷之信臨難益著故能桀然攘除姦逆獨存

社稷連城十三民無虺蜴帝加其庸轉拜橫海將軍

徒封西鄂都鄉侯食邑并七百戶將遂君聲亏方表

掃醜虜於南域建元功亏大魏書洪闕於宗繇不弔

旻天降茲災咎寢疾一旬大命隕墜季六十有一黃

初二季正月闕子薨亏闕帝主閔闕寮傷悼使謁

者弔祠賻贈有加臣吏士庶莫不哀闕於是故郡吏

闕二楊向闕二追惟惠君攀慕罔極迺共刊石勒銘

昭示來裔其辭曰

炎靈降精鬱祚後昆膺期誕授寔生我君栢栢闕毅

抑之呂文闕整軍容八在惠民御敵用威附下呂仁

義刑既著允濟闕勲鑽功金石下闕

右魏故橫海將軍章陵太守都鄉侯呂君之碑篆

額呂君名字皆利剝以黃初二年卒關羽傳云建

安二十四年羽攻曹仁於樊秋霖水溢于禁七軍

皆沒群盜遙受印號為之支黨羽威震華夏曹公

議遷許以避之碑云水賊關羽猖獗為寇洪水播

溢猛將沉沒群凶鼎沸皆實錄也魏隸之佳者惟

鍾梁之碑四若范式碑則又次之此刻差勝賈逵

劉喜爾姑存之

碑以中勇為忠勇、量易為疆場、平原十刃為平原十仞、隕隧為隕墜

墜即地字、我即稷字、咸即貳字、丑即播字、

范式碑

君諱式字

闕八字

功存有夏寔曰御龍

闕

旺商周世略

其隆晉主夏盟有士會者光演弘謨翼崇霸業錫邑

命族

闕

為范氏則其後也君稟靈醇之茂度體玄亮

之殊高徽采懿恭明允篤恕九德靡爽百行淵備弘

道耽藝恢韜墳藉探嘖研機罔深不入若乃立德隆

禮樹節寶真志諒足以弼國篤友足以輔仁用猷昭

其洪懿聲充宇宙接華於汝墳潤枯斃於荆漢超

管鮑之遐蹤信靈諄乎炳煥是以闕化泉流芳闕鴻

奮燿仁闡於權輿濟俗侔乎皇訓羣公偉焉弓旌盈

路再讓孝闕三府舉高第侍御史拜冀州刺史糾

剔瑕慝六教允施翰飛肅於鷹揚興荆闕軌闕帝

闕其勲遷廬江太守擬泰和以陶化昭八則以隆治

彌闕弘略惠訓亡倦闕協闕齊闕清源之深

閔寶疏氏之至順以疾告辭韜光潛燿詠琴詩以寧

字關九

其猶充洽外內寔紹德之奧藪而儀民之淵表

也未亮三事

字關三

終

字關六

常山相暨子汜孫而胤嗣

匹繼粵青龍三年正月丙戌縣長汝南薛

字關七

感靈

墀之不饗思隆懿模以紹弈世乃與縣之碩儒咨典

謨之中

字關

同宗

字關三

之胄昭告祖考俾守厥祀本支

著宣融之祚人神協休茂之慶焉禮也於是鄉

字關二

上計掾翟循州部泰山從事史翟邵等僉以為君雖

輝名載藉光颺前列而靈墳亡

字關

儀問靡述遂相與

略依舊傳昭撰景行刊銘樹墓以聲百世其辭曰

於昭上德實唐之胤誕表靈和蹈規履信窮神周覽
衽道之訓邁德徽猶鴻漸關舊穢彼夸毗寶此醇懿
以文會友以仁翼關敷化濟殖羣生以遂永言孝思
民之攸暨如何昊天不信其軌明德不報胤胙亡紀
爰輯訓典詢爾髦士育茲赫關以永遐祉詒厥孫謀
燿于萬祀

右故廬江太守范府君之碑篆額在濟州任城魏
明帝青龍三年縣長薛君鄉人翟循等所立范君
名式字巨卿山陽金鄉人仕漢至廬江太守傳書

張劭陳平子孔嵩三事甚詳至治郡則云有威名
 而已此碑辭勝而事寡雖曰略依舊傳昭撰景行
 但云篤友足以輔仁超管鮑之遐蹤爾未足以光
 颺盛德也傳云為荊州刺史而碑作臯州以新野
 之事證之則碑誤也此碑雖不及延康黃初四刻
 在魏隸它碑中可取爾唐李嗣真作書後品乃云
 蔡公諸體惟范曰卿碑風華艷麗古今冠絕甚矣

藻鑒之謬也

噴即蹟字
 赫即赫字

張平子碑附

泚

京

河間諱衡字平子南陽此縣人也體德純和秉行孝
友加以俊才命世英識秀建崔子壬爲之下造化高
才瑋藝與神合契君子以爲衰然聞之風聲至於仕
乎史官筭二儀之數研陰陽之理闕二日月致巧渾
儀有極深探頤之思數崔知來之驗此崔生所以發
德音也若夫好學博古貫綜謨藉墳典丘索之流經
禮訓詁之載百家九流之辯詩賦雅頌之辭金匱玉
板之典識契圖緯之文音樂書畫之藝方技博奕之
巧自泚範繇倫以還于若郊子之所習不慮之所識

京

者网不該羅其情原始要終故能學為人英文為辭
 宗紹羲和之顯跡系相如之遐風向若生於春秋之
 間游乎闕里之堂將同貫幸貢齊衡游夏豈值取足
 於身中垂名於一涂哉是以先生恒屈於不知已仕
 居下位再為史官而發應間之論時不容道遂與思
 玄之賦爰登侍中則黨言允諧出相河間則黎民時
 雖庸渠限其所至哉若夫巡狩誥頒所以敷陳主德
 二京南都所以贊美畿輦者與雅頌爭流英英乎其
 有味與若又造事屬辭因物興闕下筆流瀟潛思發

義文無擇辭言必華麗自屬文之士未有如先生之
善選言者也南陽相夏侯湛自涉境以經子諸邑每
縣咨其故老訪其先賢有地者表其墓經墳者揖其
魂涂出魯陽行次西鄂眴狐山而頌闕樊歷88邑而
懷夫子暨路過瑩域止駕衢首覩封樹之蕭條觀高
碑之稱羨於是慨然永思愴尔長懷若死者可起吾
其與歸乃延邑宰而問之曰管武王入殷封比干之
隴高祖經魏酌信陵之墓此聖賢之所以禮忠旌能
甄表明德也有可以優其胤嗣者禮其在是而垂胄

絕紹支庶無聞於是乃翦其墟落寵其宗人使奉其
四時獻其粢盛遂糾集舊跡攝載新懷而書之碑側
以闡美抒思焉其頌曰

弈弈張生秉德淑清研深綜理思俊才英實掌天地
幽贊神明冠囊興美傾漢流聲匪唯天象亦垂人文
有炳其猶有鑠其新仰鑒遺藉馳心妬人殊世投好
百載交神奉命南邦行出爾涂闕及隧首輟駕前衢
徘徊崇碑逍遙故墟企仰罔瞻長懷焉如替在先賢
唯德侔友古而無死願言攜手世則茲泯道乃闕
字

京

在珠詠隋于僻稱和戢寶無彫人壽幾何望燕京壹
思踰埃河、

右張平子碑晉南陽相夏侯湛作水經云西鄂縣
有平子墓墓東有碑文字悉是篆崔瑗之辭也盛
弘之郭仲產並云夏侯若爲郡薄其文復刊碑
陰爲銘然碑陰二銘乃崔子玉及陳翕隸字耳墓
次又有二碑唯見其一以夏景驛途疲而莫究酈
氏之說如此今世所傳凡百君子者即平子篆碑
其石已中斷合向城後碑始能成文此刻有夏侯

湛姓名而云書之碑側蓋酈氏考之不詳也魏隸
 自范式之後隸釋悉棄不取吳之谷明陸禕碑晉
 之旃述鄧乂碑皆體弱格卑已去黃初遠甚視熹
 平光和年所刻殆天冠地屨之不侔也此碑在同
 時字畫中僅有可觀因贅之篇尾亦以見一代佐
 書其工者止此爾

碑以值爲直以黨言爲
 謹言以蕭條爲蕭條



隸釋卷第十九

隸釋卷第二十

酈道元水經

司馬遷碑

在夏陽文云高門華池在茲夏陽夏陽號邑也華池
方三百六十步永嘉四年漢陽太守殷濟瞻仰遺文
及其功德遂建石室立碑樹垣太史公自叙曰遷生
於龍門是其墳墟所在

洛陽址界碑

洛縣河水之南岸有一碑址面題云洛陽址界上舊
有河平侯祠祠前有碑今不知所在



夷齊廟碑

首陽山上有夷齊廟前有二碑並是後漢河南尹廣
陵陳導雒陽令徐循與處士平原蘇騰南陽何進等
立

郭林宗宋子浚碑

介休縣有徵士郭林宗宋子浚二碑宋冲以有道司
徒徵林宗縣人也辟司徒舉大尉以疾辭其碑文云
將蹈洪崖之遐迹紹巢由之逸軌翔區外以舒翼超
天衢以高峙稟命不融享年四十有三建寧四年正

月丁亥卒凡我四方同好之人未懷哀痛乃樹碑表墓昭銘景行云陳笛蔡伯喈范陽盧子幹扶風馬日磾等遠來奔喪持朋友服心喪暮年者如韓子助宋子浚等二十四人其餘門人著錫衰者千數其碑文故蔡伯喈謂盧子幹馬日磾曰吾爲天下碑文多矣皆有慙容唯郭有道無愧於色矣

堯廟碑

平陽縣汾水東原上有小臺臺上有堯神屋石碑

石門銘

滎陽有浚儀渠建寧四年於敖城西址壘石爲門以
遏渠口謂之石門西去河三里石銘云建寧四年十
一月黃場石也而主吏姓名磨滅不可復識

王誨碑

滎口石門南際河有碑云惟陽嘉三年二月丁丑使
河堤謁者王誨疏達河川述荒庶土云大河衝塞侵
齧金堤以竹籠石葺土而爲遏壞墮無已功消億萬
請以濱河郡徒疏山采石壘以爲輶功業旣就徃役
用息未詳詔書許誨立功府鄉規基經始詔策加命

遷在沈州乃簡朱軒授使司馬登令績茂前緒稱遂
休功登以伊洛合注大河南則緣山東過大伾回流
北岸其勢鬱濤怒湍急激疾一有決溢彌原淹野
蟻孔之變害起不測蓋自姬氏之所常感昔崇鮫所
不能治我二宗之所劬勞於是乃跋涉躬親經之營
之比率百姓議之于臣伐石三谷水匠致治立激岸
側以捍鴻波隨時慶賜說以勸之川無滯越水土通
演後未踰年而功程有畢斯乃元勳之嘉課上德之
弘表也昔禹脩九道書錄其功后稷躬稼詩列于雅

伐
字

夫不憚勞謙之勤夙興厥職充國惠民亦得湮沒而不童焉故遂刊石記功垂示于後其辭云云使河堤謁者山陽東昏司馬登字伯志伐東萊典城王誨字孟堅河内太守宋城向豹字伯尹丞汝南鄧方字德山懷令劉丞字季意河堤掾匠等造陳留浚儀邊韶字孝先頌石銘歲遠字多淪缺其所滅蓋闕如

劉孟陽碑

酸棗縣城內有漢酸棗令劉孟陽碑

王紛碑

須朐城安民山有冀州刺史王紛碑漢中平四年立

薛季像碑

昌邑縣有沈州刺史河東薛季像碑以郎中拜郟令
甘露降園熹平四年遷州明年甘露復降殿前樹從
事馮巡主簿垂操等相與裛樹表勒棠政

楊叔恭碑

又有沈州刺史茂陽楊叔恭碑從事孫光等以建寧
四年立

班孟堅碑

又有東太山成人班孟堅碑建和十年尚書右丞拜
沈州刺史從事秦閏等刊石頌德政

李剛碑

鉅野黃水南有荊州刺史李剛墓剛字叔毅山陽高
平人熹平元年卒見其碑有石闕祠堂石室三間椽
架高丈餘鏤石作椽瓦屋施平夫造方井側荷梁柱
四壁隱起彫刻爲君臣官屬龜龍麟鳳之文飛禽走
獸之像作制工麗不甚傷毀

魯恭碑

戴延之西征記曰焦氏山址數山有漢司隸校尉魯
恭穿山得白蛇白兔不葬更葬山南鑿而得金故曰
金鄉山山形峻峭冢前有石祠石廟四壁皆青石隱
起自書契以來忠臣孝子貞婦孔子及弟子七十二
人形像像邊皆刻石記之文字分明

范巨卿碑

金鄉有范巨卿冢名件猶存

范巨卿碑至今尚在恐
名件二字水經誤也

巨卿名式山陽之金鄉人漢荊州刺史與汝南張劭
長沙陳平子石交號爲死友

趙越碑

獲嘉縣西有漢桂陽太守趙越墓冢址有碑越字彥善縣人也累遷桂陽郡五官將尚書僕射遭憂服闋守河南尹建寧中卒碑東又有一碑碑址有石柱石牛羊虎皆碎淪毀莫記

比干碑

朝歌縣牧野有殷大夫比干冢前有石銘題隸云殷大夫比干之墓所記唯此今已中折不知誰所誌也

李雲碑

李雲碑

廣宗縣清河之右有李雲墓雲字行祖甘陵人好學
善陰陽舉孝廉遷白馬令中常侍單超等立掖庭民
女亳氏爲后家封者四人賞賜巨萬雲上書移列三
府曰孔子云帝者諦也今尺一拜用不逕御者是帝
欲不諦乎帝怒下獄殺之後冀州刺史賈瑤使行部
過祠雲墓刻石表之今石柱尚存俗猶謂之李氏石
柱

漳河神壇碑

鉅鹿縣銅馬祠側有碑述河內修武縣張導字景明

以建和三年爲鉅鹿太守漳津汎濫土不稼穡渠披
按地圖與丞彭叅掾馬遵高等原其逆順揆其表裏
脩防挑通正水路功績有成民用嘉賴題云漳河神
壇碑而俗老耆儒猶揭斯廟爲銅馬劉神寺是碑頃
因震裂餘半不可復識矣

太公廟碑

汲縣有太公廟廟前有碑云太公望者河內汲人也
縣民故會稽太守杜宣白令崔瑗曰太公本生於汲
舊居猶存君與高國同宗太公載在經傳今臨此國

宜正其位以明尊祖之義於是國老王喜廷掾鄭篤
功曹邠勤等咸曰宜之遂立壇祀爲之位主

冀州社界碑

代郡靈丘縣高氏山上有石銘題云冀州社界世謂
之石銘陁

張平仲碑

盧奴縣有漢上谷太守議郎張平仲碑光和中立

王立碑

安喜縣有漢明帝時孝子王立碑

幽冀二州界石文

北平縣界有漢熹平四年幽冀二州以戊子詔書遣冀州從事王球幽州從事張昭郡縣分境立石標界具揭石文也

趙徵碑

安平縣城內有漢冀州從事安平趙徵碑

大石嶺碑

新城縣大石山上有大石嶺碑河南隱士通明以漢靈帝中平六年八月戊辰於山堂立碑文字淺畧殆

不可尋

洛陽橋石柱銘

洛陽建春門石橋建兩石柱橋之石柱銘曰陽嘉四年乙酉壬申詔書以城下漕渠東通河濟南引江淮方貢委輸所由而至使中謁者魏郡清淵馬憲監作石橋梁柱敦勅工匠盡要妙之巧攢立重石累高周距橋工路博流通萬里云河南尹邛崇隗丞勃海重合雙福水曹掾中牟任防史王蔭史趙興將作吏睢陽申翔道橋掾成臯卑國洛陽令江雙丞平陽隆監

掾王騰之主石作右址平山仲三月起作八月畢成

石經

魏三字石經
魏典論六碑

漢靈帝光和六年刻石鏤碑載五經立於大學講堂
前悉在東側蔡邕以熹平四年與五官中郎將高堂
谿典光祿大夫彈議郎張訓韓說太史令單颺等奏
求正定六經文字靈帝許之邕乃自書丹於碑使工
鐫刻立於太學門外於是後儒晚學咸取正焉及碑
始立其觀視及筆寫者車乘日千餘兩填塞街陌今
碑上悉刻蔡邕等名魏正始中又立古篆隸三字石

經魏文帝又刊典論六碑附于其次陸機言大學贊
別一碑在講堂西下列石龜碑載蔡邕隸說高堂谿
等名太學弟子贊復一碑在外門中今二碑並無

太學碑

石經東有一碑是漢順帝陽嘉八年立碑文云建武
二十七年造太學年積毀壞求建六年九月詔書修
太學刻石記年用作工徒十一萬二千人陽嘉九年
八月作畢碑南面刻頌表裏鏤字猶存不破

趙融碑

郁夷縣有漢邠州刺史趙融碑靈帝建安元年立

五部神廟碑

鄭縣城南山北有五部神廟廟前有碑漢光和四年
鄭縣令河東裴畢字君先立

華山祠堂碑

華陰縣華山下有漢魏文帝三廟廟有石闕數碑一
碑是建安中立漢鎮遠將軍段熲更脩祠堂碑文漢
給事黃門侍郎張昶造昶自書之元帝又刊其二十
餘字二書有重名傳於海內又刊傳中司隸校尉鍾

繇弘農太守毋丘儉姓名廣六行鬱然循平是太康
八年弘農太守河東衛叔始爲華陰令河東裴仲恂
役其逸力脩立壇廟引道樹栢迄于山陰事見宋興
元年華百石所造碑

商南界石柱 洛陽南界碑

汝南出南山北流逕石碣東柱側刊云河南界又有
一碣題云洛陽南界碑柱相對既無年月竟不知何
代所表也

葉公廟碑

葉縣有公子高諸梁碑令長汝南陳晞以魏正始元年立

張明府祠碑

平輿縣有神廟謂之張明府祠水旱之不節則禱之廟前有圭碑文字紊碎不可復尋

許由廟碑

潁川其縣箕山有許由廟碑闕尚存是漢潁川太守朱寵所立

郭奉孝碑

九山祠碑

陽翟縣有郭奉孝碑側水有九山祠碑叢柏猶茂址
枕川流也

司馬文預碑

灞陵明渠址有漢京兆尹司馬文預碑

梁巖碑

成國渠左有安定梁巖冢碑碣尚存

魏受禪碑

繁昌縣城內有三臺時人謂之繁昌臺壇前有二碑
魏文帝受禪於此自壇而降曰舜禹之事吾知之矣

清稗卷之二十一
故其石銘曰遂於繁昌築靈壇也於後其碑六字生
金論者以爲司馬金行故曹氏六世遷魏而事晉

張伯雅碑

綏水東南流逕漢弘農太守張伯雅墓坐四周壘石
爲垣隅阿相降列於綏水之陰庚門表二石闕夾對
石獸於闕下冢前有石廟列植三碑碑云德字伯雅
河內密人也碑側樹兩石人有數石柱及諸石獸舊
引綏水入入瑩域而爲池沼沼在丑地皆蟾蜍吐水
石湟承溜池之南又建石樓石廟前又翼列諸獸但

物謝時淪凋毀殆盡夫富而非義比之浮雲况復此乎王孫士安斯爲達矣

袁梁碑

扶溝縣有袁梁碑云梁陳扶樂人

王君造四縣邱碑

陳縣城內有漢相王君造四縣邱碑文字剝缺不可悉識其略曰唯茲陳國故曰淮陽郡云云王清惠著聞爲百姓畏愛求賢養士千有餘人賜與田宅吏舍自損奉錢助之成邱五官掾西華陳箕等二百五人

以延熹二年云云故其頌曰修德立功四縣回附今碑之左右遺墉尚存基礎猶在時人不復尋其碑證云孔子廟學非也

袁滂碑

袁騰碑
袁光碑

過水逕大扶城西城之東址悉諸袁舊墓碑字傾低羊虎碎折唯司徒滂蜀郡守守騰博平令光碑字所存唯此自餘殆不可彙

許績碑

過水之址有漢温令許績碑績字嗣公陳國人也舉

賢良拜議郎遷温令延熹中立

虞詡碑

武平縣有漢尚書令虞詡碑題云虞君之碑諱詡字
定安康仲後爲朝歌令武都太守文字多缺不復可
尋按范曄漢書詡字升卿陳國武平人祖爲縣獄吏
治存寬恕嘗曰于公爲里門子爲丞相吾雖不及于
公子孫未必不爲九卿故字詡曰升卿定安蓋其幼
字也

柘令許君頌

許叔臺碑
許嬰碑

柘縣城內有柘令許君清德頌石碎字紊唯此文見
碑城西南里許有漢陽種令許叔臺碑光和中立又
有漢故樂成陵令太尉掾許嬰碑嬰字虞卿司隸校
尉之子建寧年立餘碑文字碎滅不復可觀當似司
隸諸碑也

老子廟碑

魏石闕

過水址逕老子廟東廟前有二碑在南門外漢桓帝
遣中官管霸祠老子命陳相邊韶碑

址有雙石闕魏黃初三年逕譙

勒所

孔子廟碑

又有孔子廟廟前有一碑西面是陳相魯國孔疇達
和三年立

李毋冢碑

又有李毋冢冢東有碑是永興元年譙令長沙王阜
所立碑云老子生於曲澗許慎又云澗水首受淮
陽扶溝縣浪蕩渠不得至沛方爲澗水也澗水又屈
東逕相縣故城南其城卑小實中邊韶老子碑又云
老子楚相縣人也相縣虛荒今屬苦故城猶存在賴

游鄉之東過水處其陽然卽此城也

曹嵩碑

譙城南有曹嵩冢冢址有碑碑址有廟堂餘基尚存
柱礎仍在廟址有二石闕雙峙高一丈六尺檁樞及
柱皆彫鏤雲矩上復思已碎

曹騰碑

曹高闕址有圭碑題云漢故中常侍長樂大僕特進
費亭侯曹君之碑延熹二年立碑陰又刊詔策二碑
文同夾碑東西列對兩石馬高八尺五寸石作粗拙

穎川太守曹君碑

騰兄冢東有碑題云漢故穎川太守曹君墓延熹九年卒而不刊樹碑歲月

曹熾碑

穎川太守墳址有其元子熾冢東有碑題云漢故長水校尉曹君之碑歷太中大夫司馬長史侍中遷長水年三十九卒熹平六年造

曹僧碑

曹熾弟僧冢東有碑題云漢謁者曹君之碑熹平六

年立

魏大饗碑

魏文帝以延康元年幸譙大饗父老立壇於故宅壇前樹碑題去大饗之碑

朱龜碑

過水東逕朱龜墓冢南枕道有碑題去漢故幽州刺史朱君之碑龜字伯靈光和六年卒官故吏別駕從事史右北平無終牟化中平二年造碑陰刊故吏姓名悉薊涿及上谷北平等入

門生沛國蕭劉題名

山桑城東南有一碑碑文悉破無驗唯碑背故吏姓名尚存熹平元年義士門生沛國蕭劉定興立

文穆碑

山桑縣東有文穆碑冢三世二千石穆郡尹豐史徵試博士大常丞以明氣候擢拜侍中右中郎將遷九江彭城陳留四郡光和中卒故吏涿郡太守彭城呂虔等立

熹平君碑

汴水逕睢陽縣襄鄉塢襄鄉浮圖漢熹平君所立死
因葬之弟刻石樹碑以旌厥德隧前有師子天鹿累
塼作百達柱八所荒蕪頽毀雕落略盡矣

橋載碑

睢城南有漢太傅掾橋載墓碑載字元賓梁國睢陽
人也睢陽公子熹平五年立城北五里有石虎石柱
而無碑誌

王子喬碑

薄城有王子喬碑家側有碑題云仙人王子喬碑曰

鴻雪

王子喬者蓋上世之真人聞其仙不知興何代也博
問道家或言潁川或言丹蒙初建斯域則有斯丘傳
承先民曰王氏墓暨于永和之元年冬十二月當臘
之夜上有哭聲其音甚哀附居者王伯怪之明則登
而察焉時天鴻雪下無人徑有大鳥跡在祭祀處左
右咸以爲神其後有人著大冠絳單衣杖竹立冢前
呼採薪孺子伊末昌曰我王子喬也勿得取吾墳上
樹也忽然不見時令太山萬厯稽故老之言感精瑞
之應乃造靈廟以休厥神於是好道之儔自遠方集

或絃琴以歌太一、或譚思以歷丹田、知至德之兆寔
真人之祖先、延熹八年秋八月、皇帝遣使者奉犧牲
致禮、祇懼之敬肅如也、國相東萊王童字伯義、以爲
神聖所興、必有銘表、乃與長史邊乾、遂樹之玄石、紀
頌遺烈、觀其碑文、意似冰遠、旣在、逕見、不能不書存
耳

繹幕令碑

蒙縣有漢故繹幕令匡碑、匡字公輔、魯府君之少子
也、碑字碎落、不可尋識、不知所立歲月

袁安碑

魏徐庶碑

彭城城內有漢司徒袁安魏中郎徐庶等數碑並列植於街右咸曾爲楚相也

盛允碑

虞縣有漢司徒公盛允碑允字伯世梁國虞人也其先奭氏至漢中葉避孝元皇帝諱改姓曰盛世濟其美以迄于公察孝廉除郎累遷司空司徒延熹中立

廣野君廟碑

高陽有漢廣野君廟碑延熹六年十二月雍丘令董

之仰餘徽於千載。遵茂美於絕代。命縣人長照為文。用章不朽之德。其略云。輟洗分食。諮謀帝猷。陳鄭有涿鹿之功。海岱無牧野之戰。大康華夏。綏靜黎物。生民以來。功盛莫崇。今故宇無聞。而單碑介立矣。

楊彥楊禪二碑

鄆縣水次有單父令楊彥尚書郎楊禪字文節兄弟二碑。漢光和中立。

橋玄三碑

三鼎文 征錢文

睢陽有漢大尉橋玄墓列數碑。一是漢朝群儒英才。

哲士感橋氏德行之美乃共刊石立碑以示後世一
碑是故吏司徒博陵崔烈廷尉河南吳整等以爲至
德在已揚之由人苟不稱述夫何考焉乃共勒嘉石
昭明芳烈一碑是隴西袍罕址次陌碭守長隲爲左
尉漢陽源道趙馮孝高以橋公嘗牧涼州感三綱之
義慕將順之節以爲公之勲美宜宣舊邦乃樹碑頌
以昭令德光和元年主記掾李友字仲遼作碑文碑
陰有右鼎文建寧三年拜司空又有中鼎文建寧四
年拜司徒又有左鼎文光和元年拜太尉鼎銘文曰

故臣門人相與述公之行咨度體則文德銘于三鼎
武功勒于鉞書于碑陰以昭光懿又有鉞文稱是
用鏤石假象作茲征鉞軍鼓陳之于東階亦以昭公
之文武之勲焉

皇毓碑

臨睢有豫州從事皇毓碑殞身州牧陰君之罪時年
二十五臨睢長平輿李君二千石丞輪氏夏文則高
其行而悼其殞州國咨嗟旌閭表墓昭叙令德式示
後人

臨睢長王君碑

城內有臨睢長左馮翊王君碑善有治功累遷廣漢屬國都尉吏民思德縣人公府掾陳盛孫郎中兒定興劉伯廩等共立石表政以刊遠績

鄭陂頌

鄭渾爲沛郡太守於蕭相二縣興陂堰民賴其利刻石頌之號曰鄭陂

堯陵碑

地理志曰成陽有堯冢靈臺今成陽城西二里有堯

陵陵南一里有堯母慶都陵於城爲西南稱曰靈臺
鄉曰崇仁邑號脩義皆立廟四周列水潭而不流水
澤通泉泉不耗竭至豐魚笱不敢採捕廟前並列數
碑栝栢數株檀馬成林二陵南址列馳道逕通皆以
磚砌之尚脩整按郭緣生述征記自漢迄晉二千石
及丞尉多刊石述叙堯即位至永嘉三年二千七百
二十有一載記述堯妃見漢建寧四年五月成陽令
管遵所立碑文云

季札子碑

奉高縣有吳季札子墓季札聘上國喪子於嬴博之間即此處也前有石銘一所漢末奉高令所立無所
述叙標誌而已自昔常蠲民戶洒掃之今不能然碑
石糜碎靡有遺矣唯故趺存焉

東平憲王碑

無鹽縣有東平憲王蒼冢碑闕存焉

孔廟碑

譙周云孔子死後魯人就冢次而居者百有餘家命
曰孔里孔叅子曰夫子墓塋方一里在魯城北六里

泗水上諸孔丘封五十餘所人名昭穆不可復識有
銘碑三所獸碣具存皇覽曰弟子各以四方奇木來
植故多諸異樹不生棘木刺草今則無復遺條矣

道兒君碑

高門一里餘道西有道兒君碑是魯相陳君立

魏孔廟碑

魏黃初二年文帝令郡國修起孔子舊廟置百戶吏
卒廟有夫子像列二弟子執卷立侍穆穆有詢仰之
容漢魏以來廟列七碑二碑無字枯栢猶茂

度尚碑

湖陸城東有度尚碑

漢高祖廟三碑

沛縣有漢高祖廟廟前有三碑後漢立廟基以青石為之階陛尚存

泗水亭高廟碑

泗水亭有高廟廟前有碑延熹十年立廟闕崩禡略無全者

陳球三碑

下邳有漢太尉陳球墓墓前有三碑是弟子管寧華歆等造

梧臺石社碑

臨淄梧臺西有石社碑猶存漢靈帝熹平五年立其題云梧臺里

孫嵩碑

朱虛縣汶水東址漢青州刺史孫松墓西有碑碣

孫賓碩碑

安丘縣羊山之西南有孫賓碩兄弟墓碑誌並在

鄭康成碑

高密縣有厲阜阜上有漢司農卿鄭康成家石碑猶存

唐公房碑

智水川有唐公祠唐君字公房城固人也學道得仙人入雲臺山合丹服之白日升天鷄鳴夫上狗吠雲中唯以鼠惡留之鼠乃感激以月晦日吐腸胃更生故時人謂之唐鼠也公房升仙之日壻知行未還不獲同階雲路約以此川爲居言無繁霜蛟虎之患其

俗以爲神因號爲壻鄉故水亦名焉百姓爲之立廟
於其處刊石立碑表述靈異也

黃尚石闕

卽縣有黃家墓墓前有雙石闕雕制甚工俗謂之黃
公石闕黃公名尚爲漢司徒

秦頡二碑

宜城有漢南陽太守秦頡墓墓前有二碑頡郡人也
以江夏都尉出爲南陽太守逕宜城中見一家東向
頡住車視之曰此居處可作冢後卒於南陽喪還至

昔住車處車不肯進故更爲市此宅葬之孤墳尚整

冠蓋里碑

宜城縣有太山山下有廟漢末名士居其中刺史二千石卿長數十人朱軒華蓋同會於廟下荊州刺史行部見之雅歎其盛號爲冠蓋里而刻石銘之此碑於永嘉中始爲人所毀其餘文尚有可傳者其辭曰蛾蛾南嶽烈烈離明寔敷儁乂君子以生惟此君子作漢之英德爲龍光聲化鶴鳴此山以建安三年崩聲聞五六十里

華君銘

武當縣有一碑文字磨滅不可復識俗相傳是華君
銘亦不詳華君何代之士

張仲瑜碑

郭先生碑

筑陽縣闕林山之東有二碑其一即記闕林山文曰
君國者不躋高堙下先時或斷山岡以通平道民多
病守長冠軍張仲瑜乃與邦人築斷故山道作此銘
其一郭先生碑先生名輔字甫成有孝友悅學之美
其女爲立碑於此並無年號皆不知何代人也

也人何從

張敏碑

魏張
磨碑

冠軍縣有漢太尉長史也人張敏碑碑之西有魏征
南軍司張詹墓墓有碑碑背刊云白楸之棺易朽之
裳銅鐵不入凡器不藏嗟矣後人幸勿我傷自後古
墳舊冢莫不夷毀而是墓至元嘉初尚不見發六年
大水蠻饑始被發掘說者言初開金銀銅錫之器朱
漆彫刻之飾爛然有二朱漆棺棺前垂竹簾隱以金
釘墓不甚高而內極寬大虛設白楸之言空負黃金
之實雖意固南山寧同壽乎

左伯豪碑

涅陽縣南有二碑碑字紊滅不可復識云是左伯豪

碑

衛彈勸碑

平氏縣城內有南陽都鄉正衛彈勸碑

胡著碑

湖陽有漢日南太守胡著碑子珍騎都尉尚湖陽長
公主即光武之伯姊也廟堂皆以青石為階陛廟址
有石堂珍之玄孫桂陽太守瑒以延熹四年遭母憂

於墓次立石祠勒銘于梁石祠傾頽而梁字無毀

樊重碑

樊萌碑
樊安碑

湖陽東城中有二碑似是樊重碑悉載故吏人名司
馬彪曰仲山甫封於樊因是國焉爰自宅陽徙居湖
陽能治田殖至三百頃起廬舍高樓連閣波陂灌注
竹木成林六畜放牧魚羸藜果檀棘桑麻閉門成市
兵弩器械貲至百萬其興功造作爲無窮之巧不可
言富擬封君世祖之少數歸外氏及之長安受業齋
送甚至世祖即位追爵敬侯詔湖陽爲重立廟置吏

奉祠巡祠章陵常幸重墓湖陽故蓼國也城之東南
有若令樊萌中常侍樊安碑城南有數碑無字又有
石廟數間依于墓側棟宇崩毀惟石壁而已亦不知
誰之冑族也

淮源廟三碑

桐栢山南有淮源廟廟前有碑是南陽郭苞立又二
碑並是漢延熹中守令所造文辭鄙拙殆不可觀

賈慮廟碑

新息杜門內有新息長賈彪廟廟前有碑

孫叔敖廟碑

期思縣城之西北隅有楚相孫叔敖廟廟前有碑

衛為碑

魯陽縣有南陽都鄉正衛為碑

焦立碑

魯陽牛蘭水側有漢陽侯焦立碑

彭山廟碑

小涇水逕彭山西下有彭山廟廟前有彭山碑漢相

帝元嘉三年杜仲長立

尹儉碑

彭水西北有漢安邑長尹儉墓冢西有石廟廟前有
兩石闕闕東有碑闕南有二獅子相對南有石碣二
枚石柱西南有兩石羊中平四年立

侯苞碑

雙縣涇水南有漢中常侍長樂太僕吉侯苞冢冢前
有碑墓西枕岡城開四門門有兩石獸墳傾墓毀碑
獸淪移人有掘出一獸猶全不破甚高壯頭去地幾
一文許作制甚工左膊上刻作辟邪字門表塹上起

石橋即時不毀其碑云六帝四后是謔是譏蓋任自
安帝沒于栢后于時閹閹擅權五侯暴世割剝公私
以事生死夫封者表有德碑者頌有功自非此徒何
用許爲石至千春不若速朽苞墓萬古祇彰誚辱嗚
呼愚亦甚矣

張平子碑

西鄂縣南有張平子墓墓之東側墳有平子碑文字
悉是古文篆額是崔瑗之辭盛弘之郭仲產並云夏
侯孝若爲郡薄其文復刊碑陰爲銘然碑陰二銘乃

是崔子主及陳翁耳而非孝若悉是隸字二首並存
當無毀壞又言墓次有二碑今唯見一碑或是余夏
景驛途疲而莫究

王子雅碑

清水南道側有二石樓相去六七丈雙跽齊竦高可
丈七八柱圓圍二丈有餘石質青綠光可以鑒上欒
櫨承拱雕簷四柱窮巧綺刻妙絕人工題言蜀郡太
守姓王字子雅南陽西鄂人有三女無男而家累千
金父沒當葬女自相謂曰先君生我姊妹無男兄弟

今當安神玄宅翳靈后土冥冥絕後何以彰吾君之
德各出錢五百萬一女築墓二女建樓以表孝思銘
云墓樓東平林下近墳墓而不能測其處所矣

魏黃權碑

預山南有魏車騎將軍黃權夫妻二冢地道潛通其
冢前有四碑其二魏明帝立二是其子及臣吏所樹
者

范蠡碑

宛縣三公城側有范蠡祠蠡宛人祠即故宅也後漢

末有范曾字子閔爲大將軍司馬討黃巾賊至此祠
爲蠡立碑文勒可尋

光尼和碑

蜀志光作先終作絡濡作瑞

符縣長趙祉遣吏光尼和以永建元年十一月詣巴
郡沒死成濡灘子賢求喪不得女終年二十五歲有
二子五歲以還至二年二月十五日尚不得喪終乃
乘小舩至父沒處哀哭自沉見夢告賢曰至二十一
日與父俱出至日父子果浮出江上郡縣上言爲之
立碑以旌孝誠也

王子香廟頌

枝江縣有陳留王子香廟頌子香於漢和帝之時出
爲荊州刺史有惠政天子徵之道卒枝江亭中常有
三白虎出入人間送喪踰境百姓追羨甘棠以求元
十八年立廟設祠刻石銘德號曰枝江白虎王君其
子孫至今猶謂之爲白虎王

舜廟碑

九疑山南有舜廟前有石碑文字缺落不可復識山
之東北泠道縣界又有舜廟縣南有舜碑碑是零陵

太守徐儉立

二妃祠碑

湘水上黃陵廟大舜陟方二妃從征溺於湘江民爲立祠於水側荊州牧劉表刊石立碑樹之於廟以旌不朽之傳

屈原廟碑

程堅碑

汨水又西爲屈潭即羅淵也淵址有屈原廟廟前有碑又有漢南太守程堅碑寄在原廟

曲江瀧中碑

瀧水又南逕曲江縣東又云縣昔號曲紅山名也瀧
中有碑

曹娥碑

上虞縣有曹娥碑娥父盱迎濤溺死娥時年十四哀
父尸不得乃號躄江介因解衣投水呪曰若值父尸
衣當沉若不值衣當浮裁落便沉娥遂於沉處赴水
而死縣令度尚使甥邯鄲子禮爲碑文以彰孝烈
右東漢及魏正始以前碑見于水經者如此周秦
先漢刻石皆用篆故不錄有不著歲月疑似難明

者亦并載之道元罔羅四方異聞所涉臚者廣博
傳疑書疑宜有譌誤而轉寫歲久後人更失其真
時無善本雌黃不可妄下若袁梁王紛之類則又
仍其舊也其碑到今不毀者十財一二凡歐趙錄
中所無者世不復有之矣姑聚其說以見思古之
意夫物莫壽於金石而大書顯刻光沉迹絕者不
可勝計獨傳之竹帛猶可久此君子所以取乎編
類之書也水經曰上郡王次仲變倉頡舊文爲隸
秦皇三召不至令檻車送之次仲化爲大鳥落翮

於居庸山中又曰篆字文繁無會劇務秦用隸人之省謂之隸書或云即程邈於雲陽增損者孫暢之嘗見青州刺史說臨淄人發古墓得桐棺隱起爲字言齊太公六世孫胡公之棺惟三字是古餘同今隸書證知隸自出古非始於秦其說固已二三案齊胡公以周孝王時卒歷數世至宣王時始有大篆又數百年至秦有小篆旣云隸出於篆不應篆未萌而隸先作也書傳多以隸爲程邈所造兩漢書亦云然當據正史爲是異端之說非所惑

也

隸釋卷第二十

文曰... 隸釋卷第二十

隸釋卷第二十一

歐陽氏集古錄上

沛相楊君碑

楊君碑陰題名

郭先生碑

楊震碑

繁陽令楊君碑

高陽令楊君碑

文翁石柱碑

樊常侍碑

玄儒婁先生碑

老子銘

費亭侯曹騰碑

桂陽周府君碑

後本
跋尾

桐栢廟碑

修西嶽廟復民賦碑

楊君碑陰題名

殘碑陰

朔方太守碑陰

朱龜碑

太尉劉寬碑

劉寬碑

孫叔敖碑

穀阮君神祠碑

樊毅修華嶽碑

祝睦碑

祝睦後碑

殘碑

修孔子廟器表

泰山都尉孔君碑

吳雄修孔子廟碑

冀州從事張表碑

郭中候碑

司隸從事郭究碑

田君碑

堯母碑

魯相晨孔子廟碑

楊君碑陰題名

無極山神廟

劉曜碑

小黃門譙君碑

太尉劉寬碑陰

武榮碑

郎中鄭固碑

班碑

魯峻碑

公昉碑

藁長蔡君頌

郎中王君碑

太尉陳球碑

北海相景君碑

金鄉守長侯君碑

物長聚於所好而常得於有力之疆有方而不好好

之而無力。雖近且易。有不能致之象。犀虎豹。蠻夷山
海。殺人之獸。然其齒角皮革。可聚而有也。玉出崑崙
流沙。萬里之外。經十餘譯。乃至乎中國。珠出南海。常
生深淵。採者腰組而入水。形色非人。往往不出。則下
飽蛟魚。金礦于山。鑿深而穴遠。篝火餽糧而後進。其
崖崩窟塞。則遂葬於其中者。率常數十百人。其遠且
難。而又多死。禍常如此。然而金玉珠璣。世常兼聚而
有也。凡物好之。而有力。則無不至也。湯盤。孔鼎。岐陽
之鼓。岱山。鄒嶧。會稽之刻石。與夫漢魏已來。聖君賢

士栢碑彝器銘詩序記下至古文籀篆分隸諸家之
字書皆三代以來至寶怪竒偉麗工妙可喜之物其
去人不遠其取之無禍然而風霜兵火湮淪磨滅散
棄於山崖墟莽之間未嘗收拾者由世之好者少也
幸而有好之者又其力或不足故僅得其一二而不
能使其聚也夫力莫如好好莫如一予性顓而嗜古
凡世人之所貪者皆無欲於其間故得一其所好於
斯好之已篤則力雖未足猶能致之故上自周穆王
以來下更秦漢隋唐五代外至四海九州名山大澤

窮崖絕谷荒林破冢神仙鬼物詭怪所傳莫不皆有以爲集古錄以謂傳寫失真故因其石本軸而藏之有卷帙次第而無時世之先後蓋其取多而未已故隨其所得而錄之又以謂聚多而終必散乃撮其大要別爲錄目因并載夫可與史傳正其闕謬者以傳後學庶益於多聞或譏予曰物多則其勢難聚聚久而無不散何必區區於是哉予對曰足吾所好玩而老焉可也象犀金玉之聚其能果不散乎予固未能以此而易彼也廬陵歐陽修序

沛相楊君碑

右沛相楊君碑在闕鄉楊震墓側碑首尾不完失其
名字按後漢書震及中子秉秉子賜賜子彪皆有傳
又云震長子牧富波相牧孫竒侍中竒子亮陽成亭
侯又云少子奉奉子敷敷子衆務亭侯又有彪子脩
楊氏子孫載于史傳者止此爾不知沛相爲何人也
碑云孝順皇帝西巡以掾史召見拜郎中遷常山長
史換犍爲府丞宰司累辟應于司徒州察茂才遷銅
陽侯相後拜議郎五官中郎將沛相年五十六建寧

元年六月癸丑遘疾而卒其終始尚可見而惜其名
字亡矣治平元年六月十日書

楊君碑陰題名

右楊君碑陰題名首尾不完今可見者四十餘人楊
震子孫葬閩鄉者數世碑多殘缺此不知爲何人碑
陰其後有云右後公門生又云右沛君門生沛君疑
是沛相者自有碑而亡其名字矣後公亦不知其爲
何人也治平元年六月十日書

郭先生碑

右郭先生碑云先生諱輔字甫成其先出于王季之
中子爲文王卿士食采於號後世謂之郭歷戰國秦
漢子孫流分來居荆土先生其少也孝友而悅學其
長也寬舒如好施是以宗親歸懷鄉鄰高尚年五十
有二遇疾而終其以而爲如及用鄉鄰字與婁壽碑
同蓋漢人如此爾治平元年六月二十二日書

楊震碑

右楊震碑首題云漢故太尉楊公神道碑銘文字殘
闕首尾不完其可見而僅成文者云聖漢龍興神祇

宗釋卷第二十一
降祉乃生于公又云窮神知變與聖同符鴻漸衡門
群英雲集又云貽我三魚以章懿德又云大將軍辟
舉茂才除襄城令遷荊州刺史東萊涿郡太守又云
司徒太尉立朝正色恪勤竭忠其餘字存者多而不
復成文矣治平元年六月十日書

繁陽令楊君碑

右繁陽令楊君碑首尾不完文字磨滅可識者四百
三十字不可識者六十一字碑云君遭叔父太尉薨
委業經舉吏民攀轅守闕上書運穀萬斛助官賑貧

以乞君還又云富波君之子也按漢書楊震子牧爲
富波相君廼牧子也叔父太尉者秉也出米乞令前
史所無惜其名字磨滅不可見矣嘉祐八年十月二
十三日書

高陽令楊君碑

右高陽令楊君碑首尾不完而文字尚可識云司隸
從事定潁侯相最後爲善侯相善上一字磨滅不可
見蓋其中間嘗爲高陽令而碑首不書最後官者不
詳其義也按楊震碑高陽令著震孫也今碑在震墓

側

文翁石柱記

右文翁石柱記云漢初平五年倉龍甲戌旻天季月
修舊築周公禮殿始自文翁開建泮宮據顏有意益
州學館廟堂記按華陽國志文翁為蜀郡守造講堂
作石室一名玉堂安帝末初間烈火為災堂及寺舍
並皆焚燬惟石室獨存至獻帝興平元年太守高朕
於玉堂東復造一石室為周公禮殿有意又謂獻帝
無初平五年當是興平元年蓋時天下喪亂西蜀僻

遠年號不通故仍稱舊號也今檢范曄漢書本紀初
平五年正月改爲興平顏說是也治平元年六月十
三日

樊常侍碑

右樊常侍碑云君諱安字子佑南陽湖陽人也君幼
學治韓詩論語孝經歷中黃門拜小黃門小黃門右
史遷藏府令中常侍年五十有六末壽四年四月甲
辰卒其先爲中黃門後爲小黃門又爲小黃門右史
蓋漢官之制今不詳其次序也余少家漢東天聖四

年舉進士赴尚書禮部道出湖陽見此碑立道左下
馬讀之徘徊碑下者久之後三十年始得而入集錄
蓋初不見錄于世自予集錄古文時人稍稍知爲可
貴自此古碑漸見收采也嘉祐八年十月十四日書

玄儒婁先生碑

右玄儒婁先生碑云先生諱壽字九考南陽隆人也
祖太常博士父安貧守賤不可營以祿先生童孩多
竒岐嶷有志好學不厭不飾小行善與人交久而能
敬榮沮溺之耦耕甘山林之杳靄又曰有朋自遠冕

紳莘莘講習不倦年七十有八熹平三年二月甲子
不祿今光化軍乾德縣圖經載此碑景祐中余自夷
陵貶所再遷乾德令按圖求碑而壽有墓在穀城界
中余率縣學生親拜其墓見此碑在墓側遂據圖經
遷碑還縣立於勅書樓下至今在焉

治平元年八月十三日

老子銘

右老子銘按相帝紀去延熹八年正月遣中常侍左
愷之苦縣祠老子至十一月又遣中常侍管霸祠之
而此碑去八月夢見老子而祠之世言碑銘蔡邕作

今檢邕集無此文皆不可知也

中常侍費亭侯曹騰碑

右中常侍費亭侯曹騰碑文字磨滅其粗可見者云
維建和元年七月廿二日己巳皇帝若曰其遣費亭
侯之國其餘不可識也建和相帝即位之元年也後
三十七年獻帝中平元年騰養子擗始爲騎都尉擊
黃巾矣治平元年六月十日書

桂陽周府君碑

右桂陽周府君碑按韶州圖經去後漢桂陽太守周

府君廟在樂昌縣西一百一十八里武溪上武溪驚
湍激石流數百里昔馬援南征其門人轅寄生善吹
笛援爲作歌和之名曰武溪深其辭曰滔滔武溪一
何深鳥飛不渡獸不能臨哉武溪何毒淫周使君
開此溪下合真水桂陽人便之爲立廟刻石又去碑
在廟中郭蒼文今碑文磨滅去府君字君光而名已
訛缺不可辨圖經但去周使君亦不著其名後漢書
又無傳遂不知爲何人也按武水源出郴州臨武縣
鸕鷀石南流三百里入桂陽而桂楊桂水真水梨溪

青稗卷第二十二
九
三百四十

盧溪曹溪諸水皆與武水合流其俗謂水湍浚爲瀧
韓退之詩云南下樂昌瀧即此水也碑首題云神漢
者如唐人云聖唐爾蓋當時已爲此語而史傳他書
無之獨見於此碑也

後本跋尾

右周府君碑余初得前本恨其名遂磨滅後有國子
監直講劉仲章者爲余言前爲樂昌令因道府君事
云名慄問其何以見之云碑刻雖闕尚可識也乃以
此碑并陰遺余蓋前本特模者不工爾又余初以韓

集去昌樂龍疑其誤乃改從樂昌仲章曰不然縣名
樂昌而瀧名昌樂其舊俗所傳如是韓集不誤也乃
知古人傳疑而慎於更改者以此治平二年六月二
十二日

桐栢廟碑

右桐栢廟碑磨滅雖不甚而文字斷續粗可考次蓋
南陽太字修廟碑也其辭云延熹六年正月乙酉南
陽太守中山盧奴君奴下正闕一字當是其姓又云
尊神敬祀立廟桐栢春秋宗榮災異告變水旱請求

位比諸侯聖漢所尊太守奉祀二十餘年不復身至
遣永行事簡略不敬明神弗歆災異以生五嶽四瀆
與天合德仲尼慎祭常若神在君準則大聖親之桐
栢來見廟祠崎嶇逼狹開拓神門立闕四望增廣壇
楊又去執玉以沉爲民祈福靈祈報祐天地清和其
大意止於如此其後有頌亦可讀第不見太守姓名
爾然不著他事惟修廟祀神爾桐栢淮瀆廟也治平
元年六月十三日

修西嶽廟復民賦碑

右修華嶽廟請復民賦碑云光和二年十二月庚午朔十三日壬午弘農太守臣毅頓首死罪上尚書臣毅頓首頓首死罪謹按文書臣以去元年十一月到官其十二月奉祠西嶽華山省視廟舍及齋衣祭器率皆久遠有垢臣以神嶽至尊宜加恭肅輒遣行事荀班與華陰令先讜以漸繕治成就之後仍兩甘雪又曰讜言縣當孔道加奉尊嶽一歲四祠養牲百日用穀粟三千餘斛或有請兩齋禱役費兼倍小民不堪有饑寒之寃違宗神之敬乞差諸賦復華下

言釋卷第二十一
十一
三百卅三

十里以內民租田口筭臣輒聽盡力奉宣詔書思惟
惠利增異復上臣毅誠惶誠恐頓首頓首死罪死罪
上尚書漢家制度今不復見惟余家集錄漢碑頗多
故於磨滅之餘時見一二而此碑粗完故錄其首尾
以傳臣毅者樊毅也治平元年六月十四日書

楊君碑陰題名

右楊君碑陰題名楊氏世葬閩鄉墓側皆有碑今其
存者四余家集錄皆得之乃太尉沛相高陽繁陽今
也此碑陰者不知爲何人碑文字殘闕其僅存者十

五人又滅其一其在者十四人曰懷陵園令相蔣禧
字武仲宜祿長蕭劉瑞字仲祐孝廉杼秋劉旭字子
明大官日丞譙曹臻字建國辭曹史鄆公孫銀字山
根門下書佐史韓純字子敬豐畢珮字廣世鄆孟蹤
字河雒決曹書佐鄆公孫暘字元暘皆稱故吏又有
故吏贛陳俊字仲顯鄆夏陽字儀公鄆兒銀字伯玉
杼秋劉順字子選沛周儀字帛民凡五人皆不著職
但稱故吏而孟縱字河雒周儀字帛民文字皆完非
訛謬而莫曉其義也治平元年六月十四日書

殘碑陰

右殘碑陰前後磨滅不知為何人碑其知為漢碑者蓋其隸字非漢人莫能為也其字僅可見者尚數十而姓名完者九人曰王伯鄉趙仲方賈元周王景陽賈元輔宗石處丑仲宣馬安國王通國皆無官號邑里莫知為何人惟漢隸在者少為難得故錄之治平元年五月十八日書

朔方太守碑陰

右朔方太守碑陰題云永壽二年朔方太守上郡仇

君察察下滅一字除郎中大曲長大下又滅一字延
熹四年九月乙酉詔書遷衙令五年正月到官奉見
明府見下又滅一字立祠刊石表章大聖之遺靈永
示來世之末末下又滅一字謹出錢千千下又滅兩
字者下行因紀姓名據此乃當時修廟出錢人爾今
其姓名往往可見云衙鄉三老時勤伯秋上官鳳季
方錄事史楊禹孟布衙主記掾楊綬子長門下功曹
裴篤伯安倉曹掾任就子優又有集曹掾軍假司馬
之類名字多不完其所出錢不過三百至五百蓋漢

世物輕幣重今華嶽孔子廟碑陰所列亦皆如此其所立祠蓋不知爲何廟也治平元年夏至日書

朱龜碑

右朱龜碑云字伯靈察孝廉除郎中尚書侍郎以將事去官于時幽州州下滅一字夷侵寇以君爲御史中丞討伐其後磨滅又云鮮卑侵犯障塞復舉君拜幽州刺史年六十四光和六年卒龜之事迹不見史傳其僅見於此碑者如此碑在今亳州界中云將事去官莫曉其語

後余守亳州徒碑置州學中

治平元年六月十四

日書

太尉劉寬碑

右太尉劉寬碑寬漢書有傳其官閎始率與碑多同而傳載遷官次序頗略蓋史之所記善惡大節官次雖小略不足爲實惟其繆誤不可不正碑云大將軍以禮脅命拜侍御史遷梁令三府並用博士徵皆不就司隸校尉舉茂材太尉舉有道公車徵拜議郎司徒長史而傳但云大將軍辟五遷司徒長史今據碑止四遷爾博士未嘗拜也碑於長史下遂云入登侍

中延熹八年地震有詔詢異轉拜尚書遷南陽太守
拜太中大夫復拜侍中屯騎校尉宗正光祿勳遂授
太尉傳至太中大夫始去遷侍中其前自長史入登
侍中史闕書也碑又去固疾遜位拜光祿大夫遷衛
尉復作太尉而傳云以日食免拜衛尉以日食免當
從傳爲正而不書光祿大夫史闕也其餘皆同故不
復祿治平元年六月十四日書

劉寬碑

右太尉車騎將軍特進尋鄉昭烈侯劉公碑公諱寬

有兩碑皆在洛陽余家集錄自得之其一故吏李謙等立而此碑門生殷苞等所立其所書與李謙等所載不異惟漢隸難得當錄漢公卿卒故吏門生各自立碑以伸感慕惟見於此今人家碑碣非其子孫則它人不爲立也治平元年六月十四日書

孫叔敖碑

右孫叔敖碑云名饒字叔敖而史記不著其名而見於他書者亦皆曰叔敖而已微斯碑後世遂不復知其名饒也此碑世亦罕傳余以集錄二十年間求之

博且勤乃得之然則世之未見此碑者猶不知爲名
饒也謂余集古爲無益可乎

穀阮君神祠碑

右穀阮君神祠碑今在鄭縣慶曆中樞密直學士施
君爲陝西轉運使爲余模此本去碑文磨滅初不可
辨以麪填其刻稍柔其點畫命工鐫石之乃可讀漢
碑今在者類多磨滅不完故獨斯碑歷歷可見也惟
裴曄姓名爲鄉人饒去矣穀阮所以畜洩水患據碑
文云自亡新以來廢之則前漢時已有之矣光和中

曄爲鄭縣令始修復之事見水經及華州圖經
君祠今謂之五部神廟其像有石隄西成樹谷五樓
先生東臺御史王翦將軍皆莫曉其義施君名昌言
今爲涇原路安撫使治平元年二月一日書

樊毅修華嶽碑

右樊毅修華嶽廟碑去惟光和元年歲在戊午名曰
咸池季冬己巳弘農太守河南樊君諱毅字仲德下
車之初恭肅神祀西嶽至尊詔書奉祠躬親自往齋
室逼窄法齋無所於是與令巴郡胸忍先讜圖議繕

故二年正月己卯興就刻茲碑號吏卒挾路據此碑
乃即時所立而太守生稱諱者何哉治平元年未伏
日書

祝睦碑

右祝睦碑云君諱睦字元其下遂缺滅不能成文惟
其官壽年月可見去賓于王庭除北海長使潁川鄆
令辟司空府北軍中侯拜大尚書僕射遷常山相山
陽太守年六十有八延熹七年八月丁巳卒睦有二
碑皆在今南京虞城縣此碑不見世次而隱隱有云

其先高辛爾其後碑則頗完故錄於次也治平元年
六月立秋日書

祝睦後碑

右祝睦後碑其前碑不知所立人名氏不知所載官
闕壽考年月悉同而此碑有立碑人名氏及睦世次
云故吏王堂等竊聞下有述上之功臣有叙君之德
又曰君兆自黎辛祝融苗胄鄭有祝聃君其胤也其
餘文字亦完可讀二銘皆以三言爲文而後銘猶完
云穆我君邦之陽資五就闡道綱綱下滅一字表微

書釋卷第二十二
準樞衡稽列宿覽四方德合乾道應皇領二郡曜重
光化流洽緝函昌性天約元用長頌聲作謠令香功
烈著遺椒芳存覲榮淪弗忘其後二句磨滅難詳故
錄其成文以見其雅質亦可佳也治平元年六月立
秋日書

殘碑

右殘碑不知爲何人所存者纔三十二字不復成文
惟去高字幼知其名高又云漢興復知爲後漢時人
而隸字在者甚完體質淳勁非漢人莫能爲也故錄

之

修孔子廟器表

右韓明府修孔子廟器碑云永壽二年青龍在涪灘
霜月之靈皇極之日永壽相帝年號也按爾雅云歲
在申曰涪灘相帝永興三年正月戊申大赦改元永
壽明年丙申曰歲在涪灘是矣云霜月之靈皇極之
日者莫曉其義疑是九月五日前漢文章之盛庶幾
三代之純深自建武以後頊爾衰薄崔蔡之徒擅名
當世然其筆力辭氣非出自自然與夫楊馬之言醇醜

異味矣及其末也不勝其弊霜月皇極是何等語韓
明府者名敕字叔節前世見於史傳未有名敕者豈
自余學之不博乎春秋左氏傳載古人命名之說不
以爲名者頗多故以敕爲名者少也治平元年二月
晦日書

泰山都尉孔君碑

右泰山都尉孔君碑去君諱宙字季將孔子十九世
之孫也年六十一延熹四年正月乙未以疾卒其序
官闕甚簡又或殘滅不完但見其舉孝廉爲郎遷元

城令遂爲泰山都尉爾其辭有去躬忠恕以及人兼
禹湯之罪已宙爲人臣而引禹湯以爲比在今人於
文爲不類蓋漢世近古簡質猶如此治平元年閏五
月二十一日書

吳雄脩孔子廟碑

右魯相置孔子廟卒使碑去司徒臣雄司空臣戒稽
首言魯前相瑛書言詔書崇聖道孔子作春秋制孝
經演易繫辭經緯天地故特立廟褒成侯四時來祠
事已即去廟有禮器無常人掌領請置百石卒史一

人典主守廟謹問太常祠曹掾馮牟史郭玄辭對故
事辟雍祠先聖太宰太祝各一人備爵太常丞監祠
河南尹給牛羊豕大司農給米臣愚以謂如瑛言可
許臣雄臣戒愚懃誠惶誠恐頓首頓首死罪死罪臣
稽首以聞制曰可按漢書元嘉元年吳雄爲司徒二
年趙戒爲司空即此去臣雄臣戒是也魯相瑛者據
碑言姓乙字仲卿漢碑在者多磨滅此幸完可讀錄
之以見漢制三公奏事如此與群臣上尚書者小異
也又見漢祠孔子其禮如此治平元年六月二十日

書

異州從事張表碑

右異州從事張表碑去君諱表字元異其碑首題云
漢故異州從事張君碑而文爲韻語叙其官閥不甚
詳但云春秋六十四以建寧元年三月癸巳寢疾而
終其辭有云仕郡爲督郵鷹撮盧擊是以狗喻人也
又有畔相利正之語盖漢人猶質不嫌取類於鷹犬
畔相疑是盤桓文字簡少假借爾治平元年六月二
十九日書

郭中候碑

右北軍中候郭君碑其名字磨滅云元城君第四子也其先蓋周之胄緒枝葉雲布列於州郡自東郡衛國家於河內汲兄竹邑候相次尚書侍郎次濟北相順弟臨沂長次徐州刺史次中山相次雒陽令君爲五官掾功曹司隸中都官從事三辟將軍府舉廉比陽長復辟司徒拜北軍中候年六十有六建寧四年九月丙子卒其於兄竹邑候相上一字闕滅不完疑是惠字其下又云順帝莫曉其義豈漢人謂兄弟爲

此語耶故闕其疑以俟知者治平元年六月二十九日書

司隸從事郭究碑

右司隸從事郭君碑。去君諱究汲人也。元城君之孫。雒陽令之適。歷主簿督郵五官掾功曹守令長辟司隸從事部郟都官。春秋二十八而卒。中平元年歲在甲子三月而葬。據北軍中候碑爲元城君子而弟爲雒陽令。考其世次皆同。前世碑碣但書子孫而不及兄弟。惟郭氏碑載其兄弟甚詳。蓋古人譜牒旣完而

於碑碣又詳如此可見其以世家爲重不若今人之苟簡也治平元年六月二十九日書

田君碑

右田君碑在今沂州其名字皆已磨滅惟去其先出自帝舜之苗裔自完適齊因以爲氏乃知其姓田爾又云周察之際家於東平陽君摠角脩韓詩京氏易究洞神變窮奧極微爲五官掾功曹州從事辟太尉延熹二年辛亥詔書泰山琅邪盜賊未息州郡吏有仁惠公清撥煩整化者試守滿歲爲真州言名時牧

劉君知君宿操表上試守費自此以後殘闕不可次第而隱隱可見蓋無年壽卒葬月日而有故吏薛咸等立石勒銘之語廼費縣令長德政去思碑爾治平元年六月二十九日書

堯母碑

右堯母祠碑漢建寧五年造其文略曰堯母慶都感赤龍而生堯遂以候伯恢踐帝宮

下闕

慶都僊歿蓋

葬于茲欲人莫知名曰靈臺上立黃屋堯所奉祀三代改易荒廢不脩漢受濡期興滅繼絕如堯爲之遂

遭亡新禮祠絕矣故廷尉姓名磨滅不可讀深惟大漢堯之

苗胄當脩堯祠追遠復舊前後奏上帝納其謀歲以

春秋奉太牢祠時濟陰太守魏郡審晃成陽令博陵

管遵各遣大掾輔助關一字君經之營之不日成之此

其大槩也按皇覽云堯冢在濟陰城陽呂氏春秋云

堯葬穀林皇甫謐云穀林即成陽然自史記地志及

水經諸書皆無堯母葬處惟見於此碑蓋亦葬城陽

也而諸書俗本多為城陽獨此碑為成陽當以碑為

正碑後列當時人名氏又云審晃字元讓管遵字君

臺又云漢受濡期莫曉其義也治平元年三月二十九日書

魯相晨孔子廟碑

右魯相上尚書章其略云建寧二年三月癸卯朔七日巳酉魯相臣晨長史臣謙頓首死罪上尚書臣晨頓首頓首死罪死罪臣以元年到官行秋饗飲酒泮宮復禮孔子宅而無公出酒脯之祠臣輒依社稷出王家穀春秋行禮建寧靈帝年號也於此見漢制天子之尊其辭稱頓首死罪而不敢斥至尊因尚書以

致達而已余家集錄漢碑頗多亦有秦章患其磨滅
獨斯碑首尾完備可見當時之制也又云孔子乾坤
所挺西狩獲麟爲漢制作故孝經援神契曰玄丘制
命帝卯行又尚書考靈曜曰丘生倉際觸期稽度爲
赤制讖緯不經不待論而可知甚矣漢儒之狹陋也
孔子作春秋豈區區爲漢而已哉治平元年三月二
十五日書

楊君碑陰題名

右楊君碑陰題名凡一百三十一人有稱故吏者故

民者處士者故功曹史者故門下佐者類例不一似
當時人各隨意書之而文字磨滅僅可讀其姓名字
俱完可識者八十三人其餘或在或亡蓋後漢陽震
墓域中碑也楊氏墓在閩鄉有碑數廳皆漢世所立
余家集錄得其四震及沛相繁陽高陽令碑并得碑
陰題名然得時參錯不知爲何碑之陰也其名氏可
見者當時皆無所稱述顧其人亦不足考究第以漢
隸真蹟金石所傳者至今類多磨滅可惜故祿之爾
治平元年三月晦日書

無極山神廟碑

右無極山神廟碑文字磨滅斷續然尋繹次敘其可見者尚可成文云太常臣耽丞敏頓首上尚書謹按文書男子常山蓋高上黨范遷爲元氏三公神山去年五月常山相巡詣山請雨山神即使高傳言白國縣即與封龍靈山無極山共興雲雨常山相巡元氏令王翎各以一白羊賽復使高與遷俱詣太山爲無極山神索法食臣疑高遷言不實輒移本國今常山相巡書言郡督郵言無極山體可三里所立石爲體

長二丈五尺所山周匝二十餘里其三公封龍靈山
皆得法食乞令無極山比三山祠牲出王家以珪璧
爲信愚臣如巡言請以少府給珪璧故事須報臣耽
愚慙頓首頓首上尚書制曰可尚書令忠奏雒陽宮
太常丞書從事光和四年八月十七日丁酉尚書令
忠下太常耽丞敏下常山相其奏章如此其後遂言
造廟事而有銘其文多不載按漢奏章首尾皆言臣
某頓首頓首死罪死罪上尚書而此碑所載太常章
首尾不稱死罪而丞敏又不稱臣莫曉其制碑後又

列常山官屬云常山相南陽馮巡字季祖元氏令王
翊字元輔云治平元年四月一日書

劉曜碑并陰

右劉曜碑并陰在今鄆州界中文字磨滅僅有存者
云韓曜字季尼年七十三其餘爵里官閥卒葬歲月
皆不可見字爲漢隸亦不甚工惟其銘云天臨大漢
錫以明哲碑首題云漢故光祿勳東平無鹽劉府君
之碑以此知爲漢碑也治平元年四月一日書

小黃門譙君碑

右小黃門譙君碑云君諱敏字漢達年五十七中平二年卒其文不甚磨滅而官闕無所稱述惟云肅將王命守靜韜光以遠悔咎而已後漢宦者用事靈帝時尤盛敏卒之歲張讓等十二人封侯於斯之時能守靜遠悔是亦可佳然敏以小黃門而立碑稱頌於此可見宦官之盛也治平元年四月三日書

太尉劉寬碑陰

右太尉劉寬碑陰題名寬碑有二其故吏門生各立其一也此題名在故吏所立之碑陰其別列於後者

在寬子松之碑陰也寬以漢中平二年卒至唐咸亨元年其裔孫胡城公爽以碑歲久皆仆于野爲再立之并記其世序嗚呼前世士大夫世家著之譜牒故自中平至咸亨四百餘年而爽能知其世次如此之詳也蓋自黃帝以來子孫分國受姓歷堯舜三代數千歲間詩書所記皆有次序豈非譜繫源流傳之百世而不絕歟此古人所以爲重也不然則士生於世皆莫自知其所出而昧其世德遠近其所以異於禽獸者僅能識其父祖耳其可忽哉唐世譜牒尤備士

大夫務以世家相高至其弊也或陷輕薄婚姻附託
邀求貨賂君子患之然而士子脩飭喜自樹立兢兢
惟恐墜其世業亦以有譜牒而能知其世也今之譜
學亡矣雖名臣巨族未嘗有家譜者然而俗習苟簡
廢失者非一豈止家譜而已哉嘉祐八年七月二十
九日書

武榮碑

右武榮碑去君諱榮字含和治魯詩韋君章句孝經
論語漢書史記左氏國語爲州書佐郡曹史主簿督

鄆五官掾功曹年三十六汝南蔡府君察舉孝廉執
金吾丞孝相大憂屯守玄武闕加遇害氣遭疾殞靈
其餘文字殘闕不見其卒葬年月又不著氏族所出
惟其碑首題去漢故執金吾丞武君之碑去治平元
年五月六日書

郎中鄭固碑

右郎中鄭固碑文字磨滅其僅可見者去諱固字伯
堅孝友著于閨門至行立乎鄉黨初授業於歐陽仕
郡諸曹掾史主簿督郵五官掾功曹又曰忠以衛上

清以自修其餘殘闕不復成文又云延熹元年二月
詔拜郎中非其好也以疾錮辭年四十二遭命殞身
而中間又有逡遁退讓之語遁當作循錮當作固疑
漢人用字多假借又疑以疾錮辭謂疾已堅固若云
以疾篤辭覽者詳之治平元年四月十二日書

班碑

右班碑者蓋其字畫殘滅不復成文其氏族州里官
闕卒葬皆不可見其僅見者曰君諱班耳其首書去
建元年太歲在丁亥而建下一字不可識以漢書考

之後漢自光武至獻帝以建名元者七謂建武建初
建光建康建和建寧建安也以曆推之歲在丁亥廼
章帝章和元年後六十一年桓帝即位之明年改本
初二年爲建和元年歲又在丁亥則此碑所闕廼建
和元年也碑文闕滅者十八九惟亡者多而存者少
尤爲可惜也故錄之治平元年四月二十日書

魯峻碑

右魯峻碑去君諱峻字仲嚴山陽昌邑人監營謁者
之孫脩武令之子治魯詩顏氏春秋舉孝廉除郎中

謁者河內太守丞辟司徒府舉高第御史東郡頓丘
令遷九江太守拜議郎太尉長史御史中丞司隸校
尉遭母憂自乞拜議郎服竟還拜屯騎校尉以病遜
位熹平元年卒門生于商等二百三十人謚曰忠惠
父其餘文字亦粗完故得其遷拜次序頗詳以見漢
官之制如此惟云遭母憂自乞拜議郎又其最後爲
屯騎校尉而碑首題云漢故司隸校尉忠惠父魯君
碑二者莫曉其義治平元年四月二十三日書

公昉碑

右公昉碑者廼漢中太守南陽郭芝爲公昉脩廟記也漢碑今在者類多磨滅而此記文字僅存可讀所謂公昉者初不載其姓名但云君字公昉爾又云耆老相傳以爲王莽居攝二年君爲郡吏啖瓜旁有真人左右莫察君獨進美瓜又從而敬禮之真人者遂與期谷口山上廼與君神藥曰服藥以後當移意萬里知鳥獸言語是時府君去家七百餘里休謁往來轉景卽至闔郡驚焉白之府君徙爲御史鼠齧被具君乃畫地爲嶽召鼠誅之視其腹中果有被具府君

欲從學道。頃無所進。府君怒。勅尉部吏收公昉妻子。公昉呼其師告以厄。其師以藥飲公昉。妻子曰：「可去矣。」妻子戀家不忍去。於是廼以藥塗屋柱。飲牛馬六畜。須臾有大風雲來。迎公昉。妻子屋宅六畜儻然與之俱去。其說如此。可以爲恠矣。嗚呼！自聖人沒而異端起。戰國秦漢以來。竒辭怪說紛然。爭出不可勝數。久而弗知。從來自西夷老之徒。起於中國。而二患交攻。爲吾儒者。往往牽而從之。其卓然不惑者。僅能自守而已。欲排其說而黜之。常患乎力不足也。如公

書釋卷第二十一
三
三百本
昉之事以語愚人豎子皆知其妄矣不待有力而後能破其惑也然彼漢人乃刻之金石以傳後世其意惟恐後世之不信然後世之人未必不從而惑也治平元年四月二十三日以旱開宮寺祈雨五日中一日休務假書

藁長蔡君頌

右藁長蔡君頌碑在鎮府故天章閣待制楊旼嘗爲余言漢時隸書在者此最爲佳旼自言平生惟學此字余不甚識隸書因旼言遽遣人之常山求得之遂

入于錄

郎中王君碑

右王君碑文字磨滅不復成文而僅有存者其名字
官闕卒葬年月皆莫可考惟其碑首題云漢故郎中
王君之銘知其爲漢人姓王氏而官爲郎中爾蓋夫
有形之物必有時而弊是以君子之道無弊而其垂
世者與天地而無窮顏回高卧於陋巷而名與舜禹
同榮是豈有託於物而後傳耶豈有爲於事而後著
耶故曰久而無弊者道隱而終顯者誠此君子之所

貴也若漢王君者託有形之物欲垂無窮之名及其
弊也金石何異乎瓦礫也治平元年四月晦日書

太尉陳球碑

右太尉陳球碑去君諱球字伯真廣漢太守之元子
也又去除郎中尚書符節郎慎陵園令換中東城門
侯遷繁陽令拜侍御史其後又去拜將作大匠其餘
磨滅僅存按後漢書球傳云父豐廣漢太守陽嘉中
球舉孝廉稍遷繁陽令太尉楊秉表球零陵太守後
累拜司空光和元年遷太尉坐日食免復拜光祿大

夫與司徒劉邵等謀誅宦官曹節等不果下獄死球
在零陵破賊胡蘭朱盖有功威著南邦今碑破蘭盖
事班班可讀與傳皆合惟不著誅宦官事至其卒時
文字磨滅不可識惟云六十有二亦與傳合余所集
錄古文與史傳多異惟此碑所載與列傳同也治平
元年四月晦日書

北海相景君碑

右北海相景君銘其碑首題云漢故益州太守北海
相景君銘其餘文字雖往往可讀而漫滅多不成文

故君之名氏邑里官闕皆不可考其可見者云惟漢安二年北海相任城府君卒城下一字不可識當爲景也漢功臣景丹封櫟陽侯傳子尚尚傳子苞苞傳子臨以無嗣絕安帝永初中鄧太后紹封苞弟遽爲監亭侯以續丹後自是而後史不復書而它景氏亦無顯者漢安順帝年號也君卒於順帝時蓋與遽同時人也碑銘有去不衣麋壽余家集錄三代古器銘有去眉壽者皆爲麋蓋古字簡少通用至漢猶然也

治平元年四月二十九日書

金鄉守長侯君碑

右金鄉守長侯君碑云君諱成字伯盛山陽防東人也其先出自豳岐周文之後封于鄭鄭共仲賜氏曰侯厥胤宣多以功佐國漢之興也侯公納策濟太上皇於鴻溝之阨謚曰安國君曾孫酺封明統侯光武中興玄孫霸爲臨淮太守轉拜執法右刺姦五威司命太司徒公封於陵侯枝葉繁茂或家河洧或邑山濟君即上黨太守之弟郡請署主簿督郵五官掾功曹守金鄉長建寧二年四月癸酉卒年八十一碑文

首尾皆完故得詳其世次其云上黨太守不見其名
按漢書執法左右刺姦五威司命皆王莽官名侯霸
列傳云霸莽時爲隨令遷執法刺姦而未嘗爲五威
司命後事光武代伏湛爲大司徒封關內侯旣薨光
武下詔追封則鄉侯而此碑言封於陵侯未知孰是
據碑言刺姦司命爲光武時官蓋碑之謬治平元年
四月二十九日書

